

790

DILECTO PATRI AQUILAE<sup>1</sup> EPISCOPO ALBINUS SALUTEM.

Satis suavi commemoratione<sup>a</sup> vestram recolo, sanctissime pater, dilectionem<sup>b</sup> et familiaritatem; optans, ut quandoque eveniat mihi tempus amabile, quo collum<sup>c</sup> caritatis vestrae<sup>d</sup> desideriorum meorum digitulis amplecter. O, si mihi translatio<sup>e</sup> Abacuc<sup>e</sup> esset subito<sup>f</sup> concessa<sup>2</sup>, quam citatis manibus ruerem<sup>g</sup> in amplexus paternitatis vestrae, et quam<sup>h</sup> compressis<sup>i</sup> labris<sup>k</sup> non solum oculos<sup>l</sup> aures et os, sed etiam manuum vel<sup>m</sup> pedum singulos digitorum articulos, non semel, sed multoties oscularer. Verum quia meriti mei non est ita venire ad te, mittam saepius rusticitatis<sup>3</sup> meae litterulas<sup>n</sup> ad te, ut<sup>o</sup> vice verborum meorum loquantur pro me et dicant:

Semper in aeternum<sup>4</sup>, praesul sanctissime, salve;

Atque<sup>o\*</sup> tui cuncti valeant<sup>p</sup>, rogo, semper amici<sup>q</sup>.

Obsecro iterum iterumque ammoneo<sup>r</sup>, ut te ipsum consideres; et quo tendas, agnoscas; et quid facias, praevideas; et coram quam<sup>s</sup> terribili iudice rationem redditurus sis non solum de te, sed etiam de singulis animabus, quae tuo commissae sunt regimini<sup>t</sup>. Idcirco non segniter labora; praedica oportune, importune<sup>u</sup> id est<sup>v</sup> volenti et nolenti, argue, obsecra, increpa; ut merearis audire a domino Deo tuo: 'Euge serve bone et fidelis, quia in<sup>w</sup> pauca fuisti fidelis, supra<sup>x</sup> multa te constituam: intra in gaudium domini Dei<sup>y</sup> tui'.

Saluta, obsecro, Laedredum<sup>z</sup><sup>5</sup>, consocium et amicum meum. Sequenti anno certum eum faciam; si ille certus erit, quid velit vel quid<sup>a</sup> possit.

Novitas regni nostri<sup>6</sup> me retinet adhuc in<sup>b</sup> isto anno; salus vos reteneat in regno aeterno.

Mementote in orationibus vestris nostri nominis, obsecro. Memor sit vestri omnipotens Deus in aeterna misericordia.

Scribite<sup>c</sup> mihi, obsecro, quomodo habeatis et quid novi apud vos accidisset istis diebus.

Commendite vel scribite, deprecor, nomen meum per monasteria et amicos vestros. Pax vobis et salus in secula perpetua.

a) cummemoratione S 1. b) dilectione et familiaritate S 1. c) collo S 1. d) tuae A 2, tue A 1.  
e) corr. in Abacuc A 2, Abacuc A 1. f) sub.esset A 1, A 2. g) referrem A 2, referrer A 1, ruere S 1.  
h) quia A 2, A 1. i) complexis A 2, A 1\*; compressis S 1. k) labrus S 1. l) et add. A 2, A 1\*.  
m) et A 2, A 1\*. n) litteres S 1. o) que in A 2, quae A 1\*. o\*) Etque S 1. p) val. cuncti A 1.  
q) amice S 1. r) ammeo S 1. s) quia corr. in quam A 1. t) regimine A 1, S 1.  
u) inoportune S 1, A 1. v) idem S 1. w) super A 1. x) super S 1. y) Dei om. S 1. z) N. A 2, A 1\*.  
a) om. A 1\*. b) om. A 2, A 1\*. c) Scribite — perpetua om. A 2, A 1\*.

1) *Arnoni episcopo Salisburgensi* cf. *Ann. Iuvav. mai.* 785: 'Arn episcopus ordinatur III Idus Iunii'.  
2) *Ex Hieronymi epist.* 3 (*Opp. ed. Vallarsius* I, 9; cf. *infra epp.* 184. 193. 229): O si nunc mihi dominus Iesus Christus . . Abacuc ad Daniele translationem repente concederet, quam ego nunc tua arctis stringerem colla complexibus, quam illud os . . impressis figerem labiis? Verum quia non tam etc.  
3) Cf. *supra ep.* 7 p. 32. 4) *Hoc versus initium saepissime repetit* cf. *Poet. Carol. I.* 238. 245. 251. v. 2. 5) *Laidradum (postea episcopum Lugdunensem 798 — 814), ortu Noricum teste Theodulfo Contra iudices* v. 117 — 120 (*Poet. Carol. I.* 496):

Haeserat hac nobis Laidradus sorte sodalis,  
Cederet ut magnus, hoc relevante, labor.  
Noricus hunc genuit, hunc tu, Lugdune, futurum  
Pontificem speras religionis ope. J.

6) *Northanhumbrore* (*Aethelredo rege facto*). J.